



Projet promovût di 'La Vôs dai Furlans' e 'ARLeF'

Lu saveviso che...?



Il lôf al è un mamifar salvadi, parint dal cjan, che al vîf tai boscs lontan dai oms. Al à une pelice grise fisse e fofe che lu jude a parâsi dal frêt dal Inviêr. Il music al è slungjât e il pêl che i cres su i smursiei i lasse çufuts ninins. Par comunicâ cui siei simii al url. Ma saveviso che si pense che i nons dai paîs di Lovarie, dongje di Pradaman, e di Luviee, dongje di Darte, a vegnin propit dal lôf, par vie che, une volte, in chei lûcs a jerin tatis lis tanis di chest animâl?



La conte de setemane

Trê ocjis di dongje Verzegnis a jerin a passon pal bosc, cuant che si çatarin denant un lôf plen di fam... Ce pôre!

Cjalìn insiemi "Lis ocjis e il lôf" de serie Sul Troi des contis su



cumò fâs tu!



Cuale ise la metât juste par ogni imagjin?

Cuntun lapis tire une linie par metilis dongje.



Piture il dissen



Ridi a plene panze!

Cuâl isal il colm par un lôf? Contâ lis pioris prime di indurmidîsi!

Pagine curade dal Sportel Regionâl pe Lenghe Furlane de



Vuelistu tornâ a viodi lis pontadis di Maman!? Cirilis su



ANCJE 'ON DEMAND' SU telefriuli

Cjale lis gnovis pontadis su telefriuli

Vinars aes 18.30 e in repliche domenie aes 7.00 e aes 13.00

STELIS E LUSIGNIS Noa



Roc. La int par denant ti riduce e par daûr e fevele mâl di te, no stâ a çjapâte e mostre di jessi plui fuart di duçj.



Gjambar. In amôr tu stâs une vore ben cun chei che tu âs dongje. Chest ti fâs vivi in ligrie.



Belance. Sta plui dongje a fradis e amîs parcè che a podressin dâti il consei just.



Bec di mont. Lis stelis no ti judin e dentri di te ti fasin ingrumâ une vore di pinsîrs bruts.




Taur. Viôt di vè plui cure dal to cuarp. Tal lavôr sclarissiti cui coleghis suntune cuistion che e je restade ingropade.



Leon. Tu stâs frontant cuistions une vore griviis in famee, no stâ a imponi masse il to volê.



Sgarpion. Il cjâf al svolte indaûr tal timp, tu ti impensis di personis che no tu viodis di un pieç; e je ore di clamâlîs.



Agarûl. Tu sês sflandorôs, plui tal lavôr che tal amôr, ma l'an che al ven dut al cambie.




Zimui. Tal lavôr tu stâs frontant cuistions imberdeadis, ma tal amôr e je dute une altre musiche.



Vergjine. No stâ a cirî lusignis e reste cui pîts par tiere, come che tu âs za fat timp indaûr.



Sagjitari. Tal lavôr tu rivis a meti in pratiche lis tôs cognossincis e i coleghis ti disin graciis.



Pes. Tu preferissis no fevelâ cun chei altris dai tiei problemis, no je la strade plui comude.